



Modul 1 – Lena Wokbuk

Ol Grin Ekonomi Jenerol Prinsipol

BISLAMA LANWIS – VANUATU

Kampani we i givim mane from:



Long patnasip wetem:







CONTENTS

List of Figures.....	3	4. MUV I GO LONG WAN GRIN/ BLU EKONOMI	25
Tebol 1: Lesen Plan	4	4.1 Muv I go long wan Grin/Blu Ekonomi	26
Gloseri	5	4.2 Ol Grin/Blu Saksas Stori long Pasifik	26
Ol Sotfala toktok.....	6	4.3 Jenda ikwaliti.....	27
1. AES BREKA INTRODAKSEN	7	4.4 Katem daon hangri	28
Aktiviti 1.....	8	4.5 Helt.....	28
2. JALENS LONG ENVAEROMEN MO SASTENEBOL DIVELOPMEN	9	4.6 Grin Ekonomik Gaedlaen.....	29
2.1 Braon Ekonomi	10	Aktiviti 4.....	30
2.2 Klaemet Jens	10	5. OL NATUROL RISOS MO KOMUNITI RISOS MANEJMEN.....	32
2.3 Globol mo Nasonal Strateji	11	5.1 Fasin blong Prisevem ol Naturol Risos:.....	33
2.4 Sastenebiliti mo Sastenebol Dvelopmen Gol SDG's)	12	5.2 Wota	33
Aktiviti 2.....	14	5.3 Ol Fores.....	33
3. OL GRIN EKONOMI BESIK	17	5.4 Soil.....	34
3.1 Grin Ekonomi	18	5.5 Ol Anamol	34
3.2 Blu Ekonomi	18	5.6 Komuniti bes risos manejmen.	35
3.3 Ol Grin Ekonomi Prinsipol	19	Aktiviti 5.....	36
3.4 Grin Ekonomik Strateji	20	6. KONKLUSEN	37
3.5 Ol Grin Ekonomi- Benefit.....	20	ROL PLEI 1	38
Aktiviti 3.....	22	ROL PLE 2.....	40

LIST OF FIGURES

FIKA 1: Braon Ekonomi.....	10	FIKA 19: Sunny Aelan Inveta we SMA i dilivarem i kontrolem standalon system	26
FIKA 2: Vatukoula Gold Mine, Fiji	10	FIKA 20: Ofisol komisening blong Sola sistem.....	26
FIKA 3: Ol Industrialaes aktiviti emisen	10	FIKA 21: PNG Biomass Projek.....	26
FIKA 4: Ol damej mo neketiv impak we Pam i kosem long Port Villa, Vanuatu	11	FIKA 22: Planem Mangrov	26
FIKA 5: Kostol irosen long wan long ol aelan blong Vanuatu.....	11	FIK 23: Ol Turis oli karemaot fasin blong planem korol long Outrigger resort, Fiji.....	27
FIKA 6: Ol Sastenebol Dvelopem Gol.....	12	FIKA 24: FFA logo	27
FIKA 7: Ol Sastenebiliti Pila.....	12	FIKA 25: Long Taem blong Saen blong Projek Akrimen.....	27
FIKA 8: Sastenebol Gol we oli divaedem long trifala pila ...	13	FIKA 26: Jenda ikwaliti	27
FIKA 9: Grin Ekonomi- Rod blong go long Sastenebiliti	18	FIKA 27 : Ol woman mo Grin Ekonomi	28
FIKA 10: Sand maening long wan long ol kostol long wan long ol kostol eria klosap long Port Vila	18	FIKA 28: Katem daon Hangri	28
FIKA 11: Sanbij we oli polutum	19	FIKA 29: Ol samting we oli Impoten long saed blong Helt ...	28
FIKA 12: Blu Ekonomi aproj.....	19	FIKA 30: Ol Grin Ambaseda.....	29
FIKA 13: Grin Ekonomik- Strateji	20	FIKA 31: Gudfala Wok mo Gro blong Ekonomi.....	29
FIKA 14: Ol Sola panel aotsaed long Ministri blong Klaemet Jens long Port Vila	20	FIKA 32: Ol Naturol Risos	33
FIKA 15: Woman long Vanuatu wetem displei blong hem we i yusum ol slipa we man i yusum finis long sep blong wan fis	20	FIKA 33: Naturol Risos Wota	33
FIKA 16: Woman long Vanuatu wetem displei long lokol daepa we oli mekem	20	FIKA 34: Oli katem wan tri olsem pat blong kliarem bus blong mekem garen long Vanuatu	34
FIKA 17: Linia vs Saekula Ekonomi.....	21	FIKA 35: Wan long ol pijin blong Vanuatu we klosap i finis(endangered)	34
FIKA 18: Ol doti prodak blong doti blong banana we oli havestem	21	FIKA 36: Tredisonal fising long Gaua aelan, Vanuatu	35
		FIKA 37: Grin Ekonomi-Patwe	38

LIST OF TABLES

TEBOL 1: Lesen Plan.....	4
--------------------------	---

"Ol Grin Ekonomi Prinsipol" trening modul hemi wan introdaksen long ol fundamentol blong Grin Grot mo Grin Ekonomi.

Taem yu komplitim kos ya man we i lanem bambae hemi save aijvim olgeta samting ya we i stap daon:

- A. Andastanem ol trifala pila blong sastenebol developmen.
- B. Andastanem ol difdifren samting bitwin grin, blu, mo braon ekonomi mo positiv aotkam blong grin/blu ekonomi.
- C. Andastanem ol grin ekonomi prinsipol.
- D. Aedentifaem ol natural risos long komuniti mo diskasem sastenebol risos manejen.
- E. Aedentifaem ol tul we i save helpem ol komuniti blong muv i go long grin/blu ekonomi.
- F. Diskasem komuniti strakja we i stap finis mo yusum blong jenisim grin blu ekonomi.
- G. Aedentifaem ol okanaesesen we i save sapotem o faenansem transisen i go long grin ekonomi.

TEBOL 1: Lesen Plan

Japta	Lesen Taeb
Opening Sesen	
1. Aes Breka - Introdaksen	Teori mo aktiviti 1
2. Envaeromentol jalens mo Sastenebol Developmen	Teori
	Aktiviti 2
3. Grin Ekonomi Besik	Teori
	Aktiviti 3
4. Muv i go long wan Grin/ Blu Ekonomi	Teori opsonal
	Aktiviti 4
5. Naturol Risos mo Komuniti Risos Manejmen	Teori
	Aktiviti 5
6. Konklusen	Teori
	Rolplei

Lena wokbuk ya (LW) i kamaot long koresponding Trena Gaed (TG). Ol Kontent long LW ya oli mekem i kam isi mo samaraesem, wetem fokas long ol daeakram, pija mo ol koresponding aktiviti we i save alaoem man we i lanem blong stap enkej wetem trena long taem blong trening. Sipos yu

wantem kasem moa infomesen long eni seksen, plis lukluk i go long koresponding TG.

Pija long kava blong buk ya: Ol Mangrov long Solwota long Ovalau Aelan long Fiji. Sos: Kristin Deason, GGGI.

Disklema: Global Green Growth Institute i no save mekem eni jenis/waranti, we maet long ekspres o implae, o asum long eni likol laeabilti o responsibiliti blong akuresi, kompliit, o eni namba 3 pati we i yusum, o risal blong eni kaen yus, blong infomesen, aparatus, prodak, o proses disklos long ol infomesen we i kontenem long plesia o ripresentem se yus blong hem bambae hemi no go ova long praevet raet blong hem wan.

GLOSERI

Blu Ekonomi - hemi sastenebol yus blong ol risos blong osen; blong gro blong ekonomi, impruvum laevlihud, mo emploimen semtaem prisevem helt blong osen ekosistem.¹

Braon Ekonomi - hemi wan we gro blong ekonomi i dipen plante long ol distraktiv fom blong aktiviti, espeseli fosil fuel olsem; coal, oel, mo gas.²

Klaemet Jens - jenis blong klaemet we hemi atribut daerek o ino daerek long human aktiviti we hemi jenisim komposisen blong globol atmosfera. Wetem hemia klaemet jens maet hemi risal blong ol aktiviti we man i mekem we i jenisim atmosferik komposisen, mo tu klaemet jens variabliti maet hemi risal blong ol natural kos.³

Emisen - hemi prodaksen mo rilis blong samting espeseli gas o radiesen. Be plante taem, hemi rife long ol gas we oli rilis i go long ea; olsem ol grin haos gas we i kam long paoa plant faktri, smok blong ol indastri, transpotesen mo plante moa.

Grin Ekonomi - Wan ekonomi we hemi adresem risk blong envaeromen mo ekolojikol sotej taem hemi em from sastenebol developmen mo kamaot long poveti.⁴

Lo Gro blong Kabon - hemi gro we i kosem o risal long wan smol net rilis blong kabon daeoksaed we i rilet mo i go long atmosfera.⁵

Soil Erosen - hemi wan oltaem proses blong wan samting we i mov mo transpot blong lea blong graon/soil (topsoil) tru long ejen olsem wota, win, mo bigfala muvmen.⁶

Sastenebiliti - hemi wan abiliti blong mentenem long wan stret ret o level o fasin blong avoedem blong katem daon natural risos blong mentenem wan ekolojikol balans.⁷

1 The World Bank, "What is the Blue Economy?", <https://www.worldbank.org/en/news/infographic/2017/06/06/blue-economy>

2 The Green Market Oracle, "Environmental Implications of three types of Economies: Brown, Blue and Green", <https://thegreenmarketoracle.com/2013/10/04/environmental-implications-of-three/>

3 IPCC Intergovernmental Panel on Climate Change, "Definition of terms used within the DCC pages", https://www.ipcc-data.org/guidelines/pages/glossary/glossary_c.html

4 UN Environment programme, "Green economy", <https://www.unep.org/pt-br/node/23750>

5 <https://www.google.com/search?q=low+carbon+meaning&rlz=1C1GCEA>

6 Youmatter, "Soil erosion and Degradation: Simple definition, causes and consequences", <https://youmatter.world/en/definition/soil-erosion-degradation-definition/>

7 Google search, "sustainability definition", <https://www.google.com/search?q=sustainability+definition&rlz=1C1GCEA>

OL SOTFALA TOKTOK

GB	Green Business
GE	Green Economy
GGGI	Global Green Growth Institute
KOICA	Korea International Corporation Agency
LW	Learner's Workbook
Mts	Minutes
MW	Mega Watts
NGO	Non-Governmental Organization
PIDF	Pacific Islands Development Forum
PNG	Papua New Guinea
RE	Renewable Sources of Energy
RO	Reverse Osmosis
SDG	Sustainable Development Goals
TG	Trainer's Guide
TOT	Training of Trainer
USA	United States of America

A large, white, stylized number '1' is positioned on the left side of the slide. The background is a gradient of blue and green, with a vertical line separating the blue and green sections.

Aes breka Introdaksen

AKTIVITI 1

Long sot toktok nomo yu introdusum yu wan. Tokbaot wanem nao yu wis blong lanem aot long trening ya mo wanem nao ol eksperiens blong yu bifo we yu bin gat wetem grin ekonomi.

2

Jalens long Envaeromen
mo Sastenebol
Diveelopmen

2.1 Braon Ekonomi

Braon ekonomi hemi gro blong ekonomi we i dipen plante long ol distraktiv fom blong aktiviti long envaeromen, espeseli fosil fuel olsem coal, oel, mo gas. Hemi wan ekonomi we i afektem envaeromen from we i gat.

- A. Fasin blong katemdaon ol tri mo kliarem ol land blong mekem akrikolja, elikol logging.
- B. Ol man oli yusum ol eneji we oli no riniwabol we hemi lid i go long ol kabon emisen.
- C. Prodaksen blong ol doti we oli nogud tumas we i kam long maening mo ol narafala aktiviti, mo plante moa.

FIKA 1: Braon Ekonomi⁸



Fasin blong mekem maening we i no gat kontrol i save risal long karemaot vejatesen, lanslaed, etkwek, ol flad we wota blong maen i kosem.

FIKA 2: Vatukoula Gold Mine, Fiji⁹



FIKA 3: Ol Industriolaes aktiviti emisen¹⁰



2.2 Klaemet Jens

Kalemet jens hemi wan jenis blong klaemet we i save risal long ol aktiviti we man i mekem o natural kos, we i jenisim atomosferik komposisen, mo klaemet variabiliti. Fasin blong gohed blong ova yusum mo distraksen blong ol natural risos i afektem klaemet.

⁸ From Brown to Green Economy, <https://www.lemauricien.com/le-mauricien/brown-green-economy-call-conventionalists-1/89489/>

⁹ Dhanjay Deo, "Partial operations start at Vatukoula Gold Mines", 10 May 2017, <https://fijivillage.com/news/Partial-operations-start-at-Vatukoula-Gold-Mines-rsk295/>

¹⁰ Photo credit: Mohammed Tazil, GGGI

FIKA 4: Ol damej mo neketiv impak we Pam i kosem long Port Villa, Vanuatu¹¹



FIKA 5: Kostol irosen long wan long ol aelan blong Vanuatu¹²



Fika antap i soem impak blong kostol irosen, long wan long ol aelan blong Vanuatu. Pat blong aelan we i fesem kostol irosen wantaem hemi bin wan kokonat plantesen.

Klaemet jens hemi putum denja long sosol mo ekonomik welbing blong ol man Vanuatu. Yumi dipen long natural envaeromen blong yumi mo ol risos blong ol nid blong yumi long laef blong yumi evridei. Wetem hemia, yumi mas mekem sua se metod blong konsamsen mo akrikalja blong yumi mo indastriol aktiviti oli sastenebol.

Ol gaedlaen we i stap daon hemi mekem lis blong ol wei blong katemdaon ol ifek blong klaemet jens:

- A. Blokem fasin blong katem daon ol tri (Deforestation).
- B. Taem yu yusum ol fores land blong mekem akrikalja, tingabot blong planem ol tri long aotsaed long boda blong fil blong soil irosen mo lanslaed sipos yu stap long wan hol/vali.
- C. Stopem fasin blong spolem ol wota risos (olsem sakem doti mo plastik, sakem ol kemikel i go long riva).
- D. Prisevem mo planem mangrove mo ol korol.
- E. Praktisim risponsibol fising mo aquakalja (solwota mo freswota).
- F. Protektem ol fores blong yumi.
- G. Aedentifaem ol ples we oli valnarebol long taem blong flad mo no letem ol man blong liv long ol ples we hemi save gat flad oltaem long hem.

2.3 Globol mo Nasonal Strateji

Paris Agrimen long 2015 hemi fesfala globol akod long klaemet jens we i kontenem polisi oblikesen blong evri kantri. Hemi setemaot wan globol fremwok blong katemdaon emisen blong ol gas we i kontribut long globol woming, folem ol efot blong limitim long 1.5°C.

Vanuatu hemi komitim hem blong ajivim taget blong hem blong ajivim 100% blong riniwabol eneji long elektrik sekta long 2030¹³ mo i stap wok blong karem wan sastenebol grin ekonomi.

11 Adapted from The World Street Journal, "Cyclone Pam Tears Through Vanuatu", <https://www.wsj.com/articles/cyclone-pam-tears-through-vanuatu-1426394173>

12 Source: Anita Roberts, "Vanuatu shares COP23 expectations", Vanuatu Daily Post, https://dailypost.vu/news/vanuatu-shares-cop23-expectations/article_02d473cd-f958-51dd-b4c-4-2a013542a910.html

13 Ministry of Climate Change, Vanuatu Nationally Determined Contributions (NDC) Implementation Road Map, 2019.

2.4 Sastenebiliti mo Sastenebol Developmen Gol (SDG's)


Sastenebol Duvelopmen (SD) hemi wan developmen we hemi em blong balanssem ekonomik blong yumi, envaeromen, mo sosol nid blong aloem prosperiti stat naoia mo long ol jeneresen blong fuja.

OI Sastenebol Developmen Gol (SDGs) hemi ol 17 gol we hemi em blong krietem wan gudfala wol, mo laef blong evriman long 2030. Bes long hemia, plante kantri oli bin inisietem ol mesa blong implementem SDGs. Hemia ol 17 SDGs we oli givim long Fika 6 daon:

FIKA 6: OI Sastenebol Developem Gol¹⁴



FIKA 7: OI Sastenebiliti Pila¹⁵



Fika 7 antap i soem ol trifala pila blong SD we hemi impoten blong developem ol grin polisi from ekonomik. Hemia i inkludum sosol (ol man), envaeromentol (planet) mo ekonomik (mane o profit) ol pila.¹⁶ Fansen blong SDGs hemi blong mentenem stabiliti insaed long ekonomik, sosol, mo envaeromentol aspek blong promotem wan sastenebol fuja.

¹⁴ Adapted from: <https://impakter.com/how-the-sustainable-development-goals-provide-a-framework-for-impact-minded-businesses/>

¹⁵ Graphics by Margaret Seruvatu, GGGI.

¹⁶ Adapted from "Aligning the Criteria of Green Economy (GE) and Sustainable Development Goals (SDGs) to Implement Sustainable Development, August 2019, <https://www.mdpi.com/2071-1050/11/17/4615>

Ol gol we i stap daon oli bin katekoraesem bes long ol trifala pila blong Sastenebiliti we hemi inkludum:

FIKA 8: Sastenebol Gol we oli divaedem long trifala pila¹⁷



Ol Not:

¹⁷ Adapted from "A Novel ICT Framework for Sustainable Development Goals", <https://doi.org/10.3390/su11071961>

AKTIVITI 2

Taget Grup: Lokol gavman ofisol, Provinsol Kaonsel, Distrik Kaonsel, Town Kaonsel, Aelan Kaonsel, mo plante moa.

1. Wanem nao ol sastenebol gol we bambae yu laekem blong adrese long grin ekonomi?

2. How bambae yu adrese ol isiu we i konsenem ol trifala pila blong sastenebiliti olsem wanem?

3. Wanem hemi Klaemet jens mo olsem wanem nao hemi denja tumas?

4. Wanem nao sastenebiliti mesa we komuniti i save tekem blong katemdaon ifek blong klaemet jens?

Taget Grup: Tradisional komuniti/rilijas lida, ol woman, yut, mo ol valnarebol grup (ol mama we oli nogat man, ol olfala), mo plante moa.

1. Wiswan long olgeta ya hemi no wan sastenebol developmen Gol?

- A. Klin wota mo Sanitesen
- B. Klin dresing/klos
- C. Afodabol mo klin Eneji
- D. Gudfala wok mo gro blong ekonomi

2. Wanem nao ol trifala pila blong Sastenebiliti?

3. Wanem hemi klaemet jens mo olsem wanem nao hemi denja tumas?

Taget Grup: Lokol man we wok long elektrik, ol man we oli gat teknikal skil, samfala moa. Andastanem ol teknik blong wok long ol grin wok

1. Givim nem blong samfala sastenebol developmen gol

2. Wanem nao yu andstanem long klaemet jens mo olsem wanem nao hemi denja tumas?

3. Givim samfala eksampol blong risaekol blong doti

Taget Grup: Ol Smol bisnis

1. Wanem hemi sastenebol developmen gol mo olsem wanem nao hemi impoten blong developem bisnis blong yu?

2. Olsem wanem nao ol trifala pila blong sastenebiliti i helpem yu blong developem grin bisnis?

3. Olsem wanem nao yu joenem sastenebiliti mo grin ekonomi prinsipol?

4. Olsem wanem nao bisnis blong yu i adresem klaemet jens?


3

Ol Grin
Ekonomi Besar

3.1 Grin Economi

Grin ekonomi hemi ekspektem blong adresem ol isiu we braon ekonomi i resem. Hemia yumi ekspektem blong impruvum sastenebiliti blong planet.

FIKA 9: Grin Economi- Rod blong go long Sastenebiliti¹⁸



Hemi traem blong putum long stret ples blong loa gro blong kabon oriented sistem/ proses (Fika 9)

Ol eksampol we oli rilet long komuniti oli:

- A. Moa ifisien faewud stov blong kuk.
- B. Yusum sola mo ol narafala sos blong eneji.
- C. Klin Wota.
- D. Seperetem ol doti mo seperetem ol ples blo sakem toti.

Yus blong ol samting we ino sastenebol mo ol praktis olsem

- A. Sakemaot ol doti blong fising bot mo ol sip.
- B. Sakem ol haf toti blong ol kaku mo ekshos blong enjin.
- C. Dvelopmen blong turisim we i lid moa i go long ova yus blong land mo polusen.

FIKA 10: Sand maening long wan long ol kostol long wan long ol kostol eria klosap long Port Vila¹⁹



3.2 Blu Economi

Osen i sapotem populesen blong yumi wetem kakae mo laevlihud mo hemi wan ples blong mekem transpot. Ol man long smol aelan developing stet olsem Vanuatu mo ol narafala Pasifik Aelan nesen, oli dipen long marin mo ol risos blong osen blong mitim mo sapotem nid blong olgeta evridei.

¹⁸ Ayub Ali, "Green industry towards green economy in the rmg", 28 October 2015, <https://www.slideshare.net/ayubjueco/green-industry-towards-green-economy-in-the-rmg-54471169>

¹⁹ Photo by taken by Vanuatu Department of Geology and Mines


Yumi bin lukim wota rilet spot i bin raes long samfala yia we i pas, espeseli raonabaot long Port Vila mo ol ofsoa aelan blong Efate mo Santo. Ol aktiviti olsem oli risal oltaem long ol sanbij we man i sakem ol difren doti blong (plastik, kakae, ol sigaret, ol botel.)

Blong kamaot long evri samting ya mo mekemsua se i gat sastenebol yus blong osen mo ol risos, yumi nidim blong wok from “**blu ekonomi**”aproy. Blu ekonomi i mekemsua se konsevesen mo sastenebol yus blong ol osen mo solwora mo ol risos blong olgeta.

FIKA 11: Sanbij we oli polutum²⁰



FIKA 12: Blu Ekonomi aproj²¹



3.3 Ol Grin Ekonomi Prinsipol

Yumi save ajivim tugeta sastenebiliti mo katemdaon ifek blong klaemet jens blong praktisim Grin Ekonomi Prinsipol. Ol Grin Ekonomi Prinsipol hemi:



Wel Bing: Grin ekonomi bambae i krietem jeniun wel bing we i gat sea mo i go moa long moneteri blong putum praeoriti long raet blong ol man, helt, hapi, edukesen, mo komuniti. Blong gat gudfala helt, gat akses long developmen mo edukesen, mo komuniti. Bambae i mekem se i gat akses long kiln wota, enej, ol skul, mo ol hospital.



Jastis: Grin ekonomi hemi toktok plante long ikwiti, ikwaliti, uniti long komuniti, sosol jastis mo sapotem raet blong ol man. Hemi espeseli long saed blong raet blong ol majinalaes maenoriti. Hemi traem blong faenem wan transisen we i stret gud inkludum olgeta we oli no bon yet.

Folem ol prinsipol ya bae i mekemsua se ol komuniti oli no majinalaes mo hemi givim jastis blong ikwel raet blong ol man blong taem naoia mo olgeta we bae oli bon yet.



Planeteri Baondri: Hemia i lukim save se evri man we oli helti (man we i liv long pis mo hapi laef) long wan naturol wol. Hemi dipen long fasen blong neja mo limitim mo protektem baioadaevesiti (ol fores, ol plan, ol anamol), soil/graon, wota, ea mo ol narafala ekosistem.



Efisiensi mo Safisiensi: Wan grin ekonomi hemi gat loa kabon (fasin blong yusum riniwabol enej), daeves (wota, enej doti plante moa.), mo sekula (risaekol blong doti). Hemia i lukim save se bigfala jalens blong yumi hemi nid blong krietem prosperiti insaed long planeteri baondri mo alaanem ekonomik insentiv wetem tru kost long sosaeti. Hemia i minim se ol ekonomik benefit oli pas i go long sosaeti. Lo kes ya i minim komuniti.



Gudfala Gavanans: Wan grin ekonomi i bildim ol institusen we i karem tugeta aktiv demokratik akaontibilti; saon saens, mo lokol save. Sivil laef i putum praeoriti long patisipesen blong pablik, sosol daelok, transperensi, mo akaontebiliti.

20 Ocean Care; https://www.oceancare.org/en/our-work/ocean-conservation/plastic-pollution_old/remove-away-plastic-waste/

21 What is the Blue Economy? <http://www.blueeconomyconference.go.ke/what-is-the-blue-economy/>

3.4 Grin Ekonomik Strateji

FIKA 13: Grin Ekonomik- Strateji²²



Fika 13 antap long ol ilastresen sam long ol grin ekonomi strateji.

Hemia i inkludum riniwabol sos blong eneji olsem (sola, hydro, win, taedol, jiotemol mo baeomas eneji), fasin blong seraotem ol doti mo disposal, grin konstaksen, mo ol welbing. Envaerometol frendli ikwipmen mo indastriol aktiviti.

FIKA 14: Ol Sola panel aotsaed long Ministri blong Klaemet Jens long Port Vila²³



Grin strateji i help blong bildim resilien agens long ifek blong Klaemet Jens. Instolesen blong ol sola panel i mitim nid blong eneji long draetaem, espeseli taem elektrik i had tumas blong jeneretem tru long haedropaoa sos.

Yumi save katemdaon ol doti blong produsum ol samting blong doti yusum 3R's, we hemi reduce, riyusum mo risaekol. Moa long hemia bambae i save mekem i kam long wan "grin" bisnis we i save jeneretem inkam aot long ol risaekol prodak.

FIKA 15: Woman long Vanuatu wetem displei blong hem we i yusum ol slipa we man i yusum finis long sep blong wan fis²⁴



3.5 Ol Grin Ekonomi- Benefit

Hemi posibol blong rikavarem welt aot long doti, mo hemia yumi save ajivim taem we yumi andastanem ol difren samting bitwin linia mo saekula ekonomi, blong bambae yumi lukim save ol benefit blong grin ekonomi. Ol difren samting bitwin linia mo saekula ekonomi oli givim long Fika 17

FIKA 16: Woman long Vanuatu wetem displei long lokol daepa we oli mekem²⁵



²² CEDEFOP, Green Economy, 'A great opportunity', <http://www.cedefop.europa.eu/en/news-and-press/news/green-economy-great-opportunity>

²³ Photo credit: GGGI Vanuatu


²⁴ Vanuatu Digest, <https://vanuatudigest.wordpress.com/2017/10/10/sik-plastik-long-solwota-2017-new-art-exhibition-opening-tomorrow/>

²⁵ Vanuatu Daily Post, https://dailypost.vu/news/mamma-s-laef-vanuatu-reusable-nappy-trial/article_9f3ee89a-125e-11eb-a1fb-bb2c516e279e.html

Afta long wan propos nasonal ban long sinkel yus blong daepa, Mama's Laef Community Champions, wan lokol grup blong ol woman oli stat traem blong mekem envaeromen

frenli napi prodak we man i save yusum bakegen long trifala komuniti long Efate, olsem i stap long pija antap.

FIKA 17: Linia vs Saekula Ekonomi



Long linia ekonomi yu pem samting, yusum, jeneretem doti, mo sakemaot. Long Saekula ekonomi yu risaekol ol doti mo mekem wan gud samting aot long hem.

Eksampol, long saed blong kuk yumi jeneretem doti wota, doti blong vejetebol, ol bun mo long en i fulumap ples blo rapis, ol step ya i folem wan **Linia Ekonomi** we yu "tekem-mekem -disposem".

Wan narafala **Saekula Ekonomi** aproj bambae yumi yusum bak ol doti we i kamaot we hemia i inkludum, yusum bakegen ol Styrofoam kontena, mekem compost long ol okanik mata, mo mekem biogas mo plante moa.

Folem wan saekula ekonomi aproj, yumi praktisim 3R's (Katemdaon, Yusum bakegen mo Risaekol), yumi benefit olsem

- A. Namba blong doti i go daon.
- B. Katemdaon presa long envaeromen from yumi yusum gud ol risos.
- C. Impruvum helt long laef blong komuniti memba.
- D. Krietem ol grin job/wok.

FIKA 18: Ol doti prodak blong doti blong banana we oli havestem²⁶



Fika antap i soem doti prodak blong banana we oli havestem, hemia oli yusum bageken blong mekem ol vegan wallet mo ol narafala prodak.

²⁶ Green Banana paper, <https://greenbananapaper.com/>

OI Not:

AKTIVITI 3

Taget: Lokol gavman ofisol, Provinsol Kaonsel, Distrik Kaonsel, Town Kaonsel, Aelan Kaonsel, plante moa.

1. Wanem mesa bambae yu tekem blong mekem komuniti blong kamaot long braon ekonomi?

2. Wanem mesa bambae yu tekem blong developem wan blu ekonomi?

3. Wanem nao ol isiu we bambae yu tekem kea long hem long taem blong adresem grin ekonomi?

Taget: Tredisonal Komuniti/rilijes lida, ol woman mo ol yut mo ol valnerebol grup (ol mama we oli nogat man, ol olfala)

1. Givim nem blong sam braon aktiviti long komuniti blong yu?

2. Wanem nao hemi difren bitwin wan linia mo saekula ekonomi?

3. Wanem hemi samting we ino sastenebol/ ol blu aktiviti we oli denja long komuniti blong yu?

4. I afektem laef long marin olsem wanem?

5. Mekem lis blong eni trifala gro blong kabon we i lo mo ol risos efisiensi mesa.

Taget: Lokol man blong elektrik, ol man we oli gat ol teknikal skil, samfala moa.

1. Wanem nao ol grin praktis we bambae yu folem long wok blong yu evridei?

2. Olsem wanem nao yu tekem kea long blu ekonomi long wok blong yu?

Taget: Ol Smol Bisnis:

1. Wanem nao ol mesa blong bisnis we bambae yu tekem blong mekem se i kam grin?

2. Wanem nao risos ifisiensi mesa we bambae yu folem long grin bisnis?

4

Muv i go long
wan Grin/ Blu
Ekonomi

4.1 Muv I go long wan Grin/Blu Ekonomi

Transfom i go long Grin-Blu Ekonomi i rikwae wam muv long wan rod we tingting long hem mo olsem wanem yumi mekem bisnis. Sipos yumi save aedentifaem ekonomik, sosol, mo envaeromentol jalens, mo olsem wanem nao i afektem yumi, bambae i aloem yumi blong implementem ol strateji we bambae i solvem ol isu ya.

4.2 Ol Grin/Blu Saksess Stori long Pasifik

- A. Tokelau, hemi fesfala kantri long wol blong rilae 100% long sola enei

FIKA 19: Sunny Aelan Inveta we SMA i dilivarem i kontrolem standalon system²⁷




FIKA 20: Ofisol komiseni long Sola sistem²⁷



Aelan Nesen blong Tokelau i muv aot long fasin blong yusum ol fosil fuel i go long riniwabol enei. Riniwabol sos oli benefit long envaeromen mo gat loa rilans long foren enei sos.

- B. PNG Biomass: Wan Iconic Riniwabol Projek.

FIKA 21: PNG Biomass Projek²⁸



Oil Search PNG Biomass projek long Markham Valley, hemi wan riniwabol enei inisietiv long Morobe Provins, we hemi yusum ol wud jips long ol tri we oli groem sastenebli long wan fuel biomass plant blong provaedem i go kasem 30 Megawatt (MWe) long Ramu Grid

- C. Konsevesen blong Marin Laef tru long fasin blong planem Mangrov mo Korol.

FIKA 22: Planem Mangrov²⁹



Ol Mangrov oli vaetal long Mitiget mo adapt long impak blong klaemet jens. Fika antap i soem ol famle long Korova komuniti, planem ol sid blong mangrove long Laucala Bay blong priventem soil irosen long Suva, Fiji.

²⁷ SMA SOLAR TECHNOLOGY, <https://blog.ebv.com/from-zero-to-hero-tokelau-becomes-the-worlds-first-country-to-rely-100-on-solar-energy/>

²⁸ Adapted from PNG Biomass Homepage, <https://pngbiomass.com/project/>

²⁹ Science Direct, "Landcover change in Mangroves of Fiji: Implications for climate change mitigation and adaptation in the Pacific", <https://doi.org/10.1016/j.envc.2020.100018>

FIK 23: Ol Turis oli karemaot fasin blong planem korol long Outrigger resort, Fiji³⁰



Outrigger resort long Coral coast, Sigatoka, Fiji, oli bin karemaot fasin blong blong planem korol program olsem pat blong bigfala resort Global Ozone konsevesen inisietiv. Oli bin lonsem long 2014 mo hemi em blong ristorem helt blong korol mo resiliens.

D. Sastenebol Fiseris.

FIKA 24: FFA logo³¹



Pacific Island Forum Fisheries Agency (FFA) oli establisim blong helpem ol kantri blong oli save manejem ol fiseri risos blong olgeta long wan sastenebol fasin we i foldaon insaed long 200-mile Exclusive Economic Zones (EEZ) blong olgeta. Hemia i bin ifektiv long saed blong manejem stock blong fis long Pasifik.

E. Vanuatu Gavman- Sola Wota Pamping Projek.


FIKA 25: Long Taem blong Saen blong Projek Akrimen³²



Fika i soem ol ofisol blong Vanuatu Dipatmen blong Wota Risos, Dipatmen blong Eneji, long klos kolaporesen wetem GGGI taem oli saenem wan projek agrimen blong 2 yia agrimen we Gavman Luxembourg i fandem, hemi em blong impruvum Klaemet resilens tru long sola paoa draevem akses blong wota i go long ol rurol eria long Vanuatu.

4.3 Jenda ikwaliti

FIKA 26: Jenda ikwaliti³³



Muv blo go long grin/blu ekonomi i kam sakes taem yu tingbaot jenda ikwaliti (Fika 26). Hemi no minim se woman mo man i mas kam semak, be from raet blong olgeta, ol responsiliti, mo ol opotuniti maet oli save dipen oli man o woman. Komitmen blong no mas livim wan bihaen olsem pat blong SDG's i kol from ikwel patisipesen long komuniti long saed long mekem disisen.

³⁰ Outrigger Hotel and Resorts, <https://www.outrigger.com/stories/2019/june/coral-planting-2019>

³¹ Pacific Island Forum Fisheries Agency (FFA) <https://www.humanrightsatsea.org/2019/08/06/pacific-forum-fisheries-agency-enacts-new-crew-welfare-regulations/> or visit <https://www.ffa.int/>

³² Adapted from, <https://gggi.org/gggi-signs-project-agreement-with-vanuatu-government-to-implement-solar-water-pumping-project/>

³³ SAILA organization, "Gender Equality: A Cornerstone for a Green Economy", Photo credits, (Agnes Bubugura), <https://saila.org.za/research/gender-equality-a-cornerstone-for-a-green-economy/>

FIKA 27 : Ol woman mo Grin Ekonomi³⁴

Wetem save blong genem long modul ya, ol woman bambae oli save adoptem grin mesa, manejem yus blong naturol risos, yusum materiol bakegen mo jeneretem inkam blong olgeta bageken. Mo tu, save ya i save pas i go long ol yang jeneresen. Ikwel patisipesen blong ol woman bambae i kontribut long givhan long ol woman blong ajivim ol Sastenebol developmen gol (SDG's).

4.4 Katem daon hangri**FIKA 28: Katem daon Hangri³⁵**

Truaot long wol fud sekuriti hemi wan bigfala isiu long plante kantri, mo fasin blong katem daon hangri hemi wan hae praeoriti. Fika 28 i eksplenem transformem sistem blong kakae blong yumi mo tekem blong katem daon hangri.

4.5 Helt**FIKA 29: Ol samting we oli Impoten long saed blong Helt³⁶**

Wanfala non-kumunikebol disis (NCD's) hemi wan wan sik we ino save pas tru long infeksiens mo ino save spred long wan man i go long narafala man. Wan kombanesen blong jenetik, lasfstael mo envaeromentol fakta i save kosem ol sik ya. Ol NCD inkludum:

- A. Kadiovaskula disis
- B. Kansa
- C. Daebetis
- D. Haepetensen or high blood pressure
- E. Obesiti, samfala moa.

SDG 3 hemi em from gudfala helt mo welbing. Mekemsua se ol laef oli helti mo promotem welbing long evri ej hemi esensol long sastenebol developmen

³⁴ Pacific Island Living, "Hats Off to Vanuatu, Weavers take on the World", <https://pacificislandliving.com/hats-off-to-vanuatu-weavers-take-on-the-world/>

³⁵ Adapted from United Nations: Zero Hunger Challenge, "Transforming our food systems to transform our world", <https://www.un.org/zerohunger/ar/content/challenge-hunger-can-be-eliminated-our-lifetimes>

³⁶ Source: United Nations, Department of Economic and Social Affairs, Sustainable Development, <https://sdgs.un.org/goals/goal3>

4.6 Grin Ekonomik Gaedlaen

Hemi propos blong nominetem ol grin ambaseda we oli tren blong tekemap responsibiliti long manejmen blong envaeromen. Grin Ambaseda oli mas gat abiliti mo ekolojikol valiu blong karemaot wok mo provaedem gaed long komuniti mo mekemsua se fasin blong sastenebiliti i stap oltaem.

FIKA 30: Ol Grin Ambaseda³⁷



FIKA 31: Gudfala Wok mo Gro blong Ekonomik³⁸



Sastenebol developmen hemi em blong katemdaon poveti, aloem sosol inklusen, mekem laef blong ol man i impruv moa, mo krietem mo promotem ol opotuniti blong ol grin wok/job. Hemia i risal moa long gro blong ekonomik we i mekm i isi blong man mo woman tugeta blong tekem kea long ol famle blong olgeta. Bambae ol grin/blu ekonomi prinsipol i impruvum ekonomik profit we semtaem, mentenem helt blong fansen blong ekosistem.

Ol Not:

³⁷ EVAPO-COOL portable climate solutions, <https://www.evapo-cool.com/faq>

³⁸ The Global Goals for Sustainable Development, <https://www.globalgoals.org/8-decent-work-and-economic-growth>

AKTIVITI 4

Taget: Lokol gavman ofisol, Provinsol Kaonsel, Distrik Kaonsel, Town Kaonsel, Aelan Kaonsel, sam moa.

1. Olsem wanem nao yu fasilitetem muv i go long blu/grin ekonomi tru long ol gavman inisietiv?

2. Wanem mesa nao bambae yu inisietem blong katemdaon risk blong non komunikebol disis?

3. Olsem wanem nao bambae yu aedentifaem ol grin ambaseda?

4. Olsem wanem nao bambae yu mekemsua se gudfala wok i lid i go long ekonomik gro blong komuniti?

Taget: long evri grup

1. Olsem wanem nao yu muv i go long grin/blu ekonomi?

2. Eksplenem Non- Komunikebol Disis

3. Mekem lis blong trifala non – komunikebol disis

4. Wanem ya komuniti strakja?

5. Hu ya nao hemi Grin Ambaseda?

6. Wanem nao rol blong grin ambaseda?

7. Wanem nao ol benefit blong ol woman long komuniti i go long praktis blong Grin Ekonomi Prinsipol?

8. Olsem wanem nao gudfala wok i lid i go long Gro blong Ekonomik?

5

Ol Naturol Risos
mo Komuniti Risos
Manejmen

5.1 Fasin blong Prisevem ol Naturol Risos:

Plante samting long ekonomi blong Vanuatu i bes long fasin blong yusum naturol risos mo benefit mo seves we naturol i priovaedem, helti ekosistem. Mo i gat strong nid blong konsevem, prisevem, mo manjem ol risos ya.

FIKA 32: Ol Naturol Risos³⁹



5.2 Wota

Sos blong wota hemi ol spring, reva, mo wota we i stap long graon andanit, sam moa. Wota konsevesen mo manjemen hemi em blong manjem wota o sastenebol yus blong hem, blong mitim diman blong naoia mo long fuja.

Ol Memba blong komuniti oli save mitim ol nid blong wota blong tekem kea long wota sos olsem riva, ol spring mo kamaot long fasin blong polutum olgeta.

FIKA 33: Naturol Risos Wota⁴⁰



5.3 Ol Fores

Ol Fores oli priovaedem oli nid blong yumi evridei from oli saplae kakae, tredisonal meresin, wud blong bildim haos, mo fuel, timba blong salem mo ekspot mo plante moa. Fores i priovaedem tu ekolojikol seves.

Ol simpol mesa blong tekem blong prisevem fores hemi inkludum:

- Aforestesen, we i planem moa tri blong evri tri we oli katem, planem 2 moa.
- Yusum tredisonal praktis, olsem miksimap fam.
- Yusum komuniti aproj blong serem save mo skil blong proteksen blong fores.

³⁹ You Tube video: "Natural Resources", 23 September 2020, https://www.youtube.com/watch?v=q9XzTI_Krlo

⁴⁰ iStockphoto.com, "Waterfall and the river, Teouma village, Efate island, Vanuatu", <https://www.istockphoto.com/search/2/image?mediatype=photography&phrase=vanuatu+village&servicecontext=srp-related&sort=mostpopular>

FIKA 34: Oli katem wan tri olsem pat blong kliarem bus blong mekem garen long Vanuatu⁴¹



5.4 Soil

Prisevem nutrien valiu blong soil hemi ki elemen long soil konsevesen. Taem komuniti hemi kaltivetem wan patikula crop (rice, wit) blong wan longfala taem, soil hemi lusum fetaliti blong hem. Oli nid blong jenisim ol crop/kakae long ol period blong taem, mo ol komuniti memba i mekemsua se moa long wan spesis/taeb blong kakae oli groem long semak taem mo semak ples.

Yus blong okanik hom fetalaesa, kontrolem yus blong (insecticide) insektisaed mo (weedicide) widisaed, drip irikesen hemi ol nid blong aoa blong sastenebiliti blong soil.

5.5 Ol Anamol

Ol wael anamol hemi evri okanisim we i gro mo liv long wael eria. Hemi impoten blong no mas lukaotem blong kilim olgeta be blong prisevem. Ol wael anamol oli co eksist wetem ol natural samting we oli stap raon long olgeta, mo oli kritikol pat blong jen blong kakae. Hemi impoten blong ol man i no mas lukaotem olgeta blong kilim olgeta ova long wanem we i rikwae.

FIKA 35: Wan long ol pijin blong Vanuatu we klosap i finis(endangered)⁴²



Ol Domestik anamol hemi ol anamol we we oli bin jenetikli adapt ova long plante jeneresen blong liv klosap long ol man. Hemia i inkludum ol sipsip, ol pig, ol buluk, ol dog, ol pusi cat, sam moa. Ol anamol ya oli nidim gufala kea olsem land blong kakae long hem, stret kakae blong olgeta, vaksinesen, klingud, nutrient kakae, saentifik slotering mo gudfala manejmen mo disposol blong sisit/doti.

⁴¹ GGGI Vanuatu.

⁴² Source: DeviantArt, <https://www.deviantart.com/eucalyptusdreams/art/Animals-of-Vanuatu-543968897>

Ol Not:

5.6 Komuniti bes risos manejmen

Komuniti bes risos manejmen hemi taem komuniti i wok tugeta blong protektem mo manejem land blong olgeta, solwora, o fres wota risos.

Komuniti disisen i mas enkarejem ikwel patisipesen, espeseli i mas enkarejem se ol woman, yut, ol olfala mo ol man we oli handikap oli mas talem wan samting long taem blong mekem disisen.

Lida blong Komuniti i plei wan impoten rol blong stopem komuniti long ol rabis praktis, givim save long olgeta long saed blong gudfala praktis, mo monitarem aktiviti blong komuniti. Hem bambae hemi olsem wan link long komuniti mo gavman. Hemi wan man we hemi lasman blong karem blem/ansa blong komuniti developmen.

FIKA 36: Tredisonal fising long Gaua aelan, Vanuatu⁴³



Fika 36 Hemi soem ol man long vilej blong Gaua aelan longTorba provins oli yusum tredisonal metod blong fising.

43 Wildlife Conservation Society (WCS) Facebook page, <https://m.facebook.com/wcsfijiprogram/>

AKTIVITI 5

1. Wanem nao ol difren taeb blong naturol risos?

2. Wanem nao ol sos blong wota long komuniti?

3. Givim nem blong trifala gudfala samting blong fores (eni long olgeta daon)



6

Konklusen

FIKA 37: Grin Ekonomi-Patwe⁴⁴

ROL PLEI 1

Ol memba blong komuniti bambae oli aktem wan rolplei. Ol patisipen bambae oli voluntia o trena bambae hemi jusumaot ol patisipen blong aktem aot samfala rol. I nidim 6 patisipen blong mekem plei ya, lan, Doreen, Gary, Helen, John, and Mac. lan mo Doreen oli stap wetem boy blong tufala Gary mo waef blong hem Helen. lan hemi 60 yia mo Doreen 55 yia. Gary hemi 40 yia mo Helen 38 yia. Gary mo Helen i gat wan boe we hemi 4-yia nem blong hem John.

Evriwan long olgeta oli stap long haos blong olgeta long tropikal aelan vilej. Haos blong olgeta i gat gudfala ples blong mekem garen mo samfala open spes.

Wan dei lan i harem wan Pablik Anaonsmen long ol lokol otoriti blong planem ol sid blong tri bifo sisen blong ren i stat. Anaonsmen ya i talem tu se taem yu planem wan sid blong tri bambae i mekem vilij, komuniti i grin mo givim plante sed mo mekem klaemet i kolkol.

Taem i harem anaosmen, lan i filim wan strong tingting insad long hem folem wanem we oli talem. Haos blong hem i gat wan garen blong kijin mo samfala flaoa mo ol naesfala plant. I gat inaf spes long foret blong planem ol sid blong tri. lan i lukim save se sid ya bambae i gro i kam long wan tri we bae i givim plante sed.

lan i go long wan neseri klosap we o stokem bigfala varaeti blong ol plant, mo ona blong neseri hemi Mac.

Mac: Gud Naet. Mi Mac ona blong neseri, wanem nao yu wantem blong mi mekem long yu?

lan: Gud Naet. Mi lan. Mi stap lukaotem sam plant

Mac: Mi gat ol plant we oli flaoa, ol vejetebol plant mo ol plant we oli naes tumas

lan: Yu bin harem komuniti asnaonsmen we i askem ol man blong planem ol tri blong rere from taem blong ren we klosap

i kam.

Mac: Hemia i gud tumas ya. Ol tri taem oli gro oli givim plante sed.

lan: Yes Mac. Plis help blong mekem wan gudfala tingting blong wan sid blong wan tri we i stret long anaonsmen.

Mac: Yes, yu save tekem wan neem seed. Seed ya bambae i gro mo kam long wan ful tri long samples 10 yia mo bambae i stap blong plante moa yia.

lan: Mi ting se hemi wan gudfala tingting. Bambae mi tekem wan neem sid. i gat eni moa narafala samting we mi nidim long hemia we mi wotarem oltaem?

Mac: Long fesfala yia o 2 i nidim fetalaesa. Mi stakem ol okanik compos fetalaesa we hemi nogat kemikel long hem. Mi gat stok mo bambae mi givim long yu. lan, bae i gro kasem 6 mita, yu nidim blong proteketem long ol anamol.

lan: Oh!!! Bae mi mekem olsem wanem.

Mac: Oh!!! Hemi isi nomo, Bambae mi givim sekuriti blong tri long yu. Yu kavremap sid mo taem hemi gro kasem 6 mita, yu sabe karemaot sekuriti blong tri.

lan: Naeswan! Bambae mi tekem sid blong tri, okanik fetalaesa, mo sekuriti blong tri.

Mac: Naoia, Bamabe mi givim wan bag blong fetalaesa long yu. Yu save pem moa taem yu nidim. Yu save yusum kasem 3 -4 manis. Yu mas tingbaot tu blong yusum pepa pack blong pakemap fetalaesa mo no yusum plastik bag.

lan: Tank yu Mac. I gud!!! Bambae yumi toktok bageken.

lan go bak hom wetem neem blong sid, sekuriti blong tri mo fetalaesa pepa bag. Hemi spel long naet. Kirap eli long moning blong no wantem hot san i bonem hem blong planem sid.

Nekis Dei hemi kirap eli. Hemi stat blong digim wan hol blong planem sid.

Biaen, Doreen i kam lukaotem lan.

Doreen: Eei!!! Yu stap mekem wanem?

lan: Mi stap long garen, mi planem wan tri.

Doreen: Wanem kaen tri

lan: Yu bin harem anaonsmen yestete. Mi bin go long neseri yestete mo pem neem sid.

Doreen: From wanem yumi nidim tri??

Ian: Taem hemi gro bambae hemi givim sed. Mo tu ol neem lif mo bak i gat plante valiu long saed blong meresin.

Semtaem tu Gary mo Helen tufala i kamaot.

Gary: Gud moning Papa. Yu stap mekem wanem?

Ian: Gud morning boe blong mi. Mi stap planem sid blong tri

Doreen: Papa blong yu i go long neseri yestete mo pem wan sid.

Naoia Ian i digim finisim hol mo wotarem hol.

Ian: Eei Gary yu tekem pepa bag we i ledaon lowe i kam.

Gary: Hmia Papa. Wanem ya?

Ian: Hemia hemi okanik fetalaesa oli pakemap long Pepa Bag. Mac, man blong lukaotem neseri i talem long mi se hemi no stap yusum plastik bag.

Hemi talem be i adem fetalaesa, i planem sid mo wotarem mo putum sekuriti blong tri. Abu blong Ian John i ronron olbaot mo i glad tumas we i lukim sid. Ian i eksplenem long John blong i mas luakotem gud mo from wanem oli nidim sekuriti blong tri.

John: Abu. Wetaem nao bambae tri ya i gro bigwan? Mi save klaem long hem mo pelpo raon long hem.

Ian: Bambae i kam bigwan long 10 yia o moa. Long taem ya ating bae yu kasem 14 yia –wan bigala Boe!!!

Doreen: Oh 10 yia. Taem ya yu wetem mi maet bambae yumitu nomo save stap.

Ian: Mi no planem from yumitu. Hemi blong Gary, Helen mo John. Hemia hemi blong ful komuniti tu. Taem i gro bigwan, bambae i givim sed long John blong pelpo. Bambae hemi laekem ol saon blong wistil blong evri pijin.

Gary: Mi laekem tumas. Mi promes blong tekem kea long hem.

Ol yia oli pas. Ian mo Doreen tufala i ded. Neem tri ya i gro i kam wan bigfala tri we i gat sed.

Gary: Eei John. Yu stap mekem wanem:

John: Mi mi big boe nao. Mi stap klaem long tri. Tingbaot taem bubu man i bin talem long yumi se taem hemi gro bambae i givim plante sed mo naoia mi harem ol naesfala voes blong ol pijin.

Gary: Yes, boe. Mi agri !!! wetem wanem we papa blong mi i talem. Tri ya bambae i stap blong plante moa yia mo plante long yumi bambae yumi benefit long hem. Tingbaot se hemia sastenebiliti mo i mekem wol blong yumi i kam moa grin.

John: Mi andastanem hemia. Papa, yu save tekem mi go long neseri blong selektem stret sid, planem mo tekem kea long hem.

Gary: Yes, boe blong mi. **BAE MI MEKEM!!!**

ROL PLE 2

Long rol ple ya, i nidim 5 patisipen blong ple rol blong Jif, Stella, Mary, mo Thomas.

Ol woman oli kam tugeta long Vilej Hall blong mekemrere kakae blong wan gavman ofisol. Toktok ya i tekem ples bitwin samfala woman.

Stella: Mi bin stap long maket long Satede mo ol woman long Warala vilej oli tokbaot rol blong olgeta olsem ol Grin Ambaseda blong vilej blong olgeta.

Mary: Tru Stella, Grin Ambaseda – Mi neva harem hemia bifo – wanem nao Grin Ambaseda oli mekem?

Stella: Long wanem we oli talem, 3 long olgeta oli jusumaot olsem ol Grin Ambaseda mo oli bin karem trening blong helpem olgeta blong trenem ol memba blong komuniti blong olgeta mo promotem ol prinsipol blong Grin Ekonomi.

Mary: Man, i interes tumas, wanem nao ol prinsipol blong Grin Ekonomi?

Stella: Yumi askem Thomas – Mi ting se hemi bin go long trening long Grin Ekonomi tu we i bin stap long town las manis. Bambae mi askem long hem blong kam eksplenem long yumi, from yumi evriwan i stap ya.

Thomas: Halo, ol woman – I gat plante samting we i involv blong mentenem grin ekonomi be samfala nomo we mi save talem lo yufala hemi ol samting we yufala i involv long hem evridei:

Mekem sua se komuniti hemi yusum kiln wota blong drink mo kuk

Manejmen blong doti – mekem sua se man i sakem doti long stret ples blong hem

Haejin – No mas mekem ol praktis we oli no haejenik, mekem sua se ol samting raonabaot oli klin mo nogat ol ples blong mosquito i putum ek blong hem long olgeta mo plante moa.

Ol lida blong vilej oli askem mi blong jusumaot samfala woman olsem Grin Ambaseda blong vilej ya – eniwan long yufala i intres?

Stella: Yes, Mi mo Mary mitufla i jes tokbaot nomo – mifala i intres.

Thomas: Ok, i gud tumas – Bambae mi asvaesem ol lida. Mi bin givim tingting long olgeta se yufala ol woman i save mekem wan nambawan grin ambaseda fron yufala i gat plante influens long ol hom blong yufala mo long vilej.

Mary: Yes, mifala i wantem, mo mifala i save givim apdet oltaem long ol lida blong vilej long oltaem long taem blong miting. Yu save mekemsua se mifala bae i kam long miting blong bambae mifala i provaedem wan apdet?

Thomas: Yes, bae mi mekem, mo bambae mi askem jif blong vilej tu blong tingbaot hemia from yufala nao ol bes wan blong mekemsua se yumi mentenem ol prinsipol blong Grin Ekonomi

(Thomas i go blong luk Jif)

Jif: Yes Thomas, wanem nao bambae mi mekem long yu?

Thomas: Jif mi jes toktok nomo long ol woman mo i gat 2 we oli intres blong kam ol Grin Ambaseda blong vilej blong yumi. Olgeta oli ol beswan blong mekemsua yumi mentenem prinsipol blong wan Grin Ekonomi. Mi harem ol woman long Warala vilej klosap oli mekem bigfala jenia long vilej mo tekem ol roll blong olgeta olsem ol Grin Ambaseda long wan serias fasin.

Jif: Ok Tomas – Mi hapi blong mekem olsem we yu stap talem – bambae yumi tekem long miting blong vilej nekis wik mo invaetem Mary mo Stella blong kam serem tingting blong tufala blong kam Grin Ambaseda.

Tomas: Bambae mi mekem Jif, mo hemi wan bigfala janis tu blong inkludum ol woman long evri vilej miting stat naoia mo i go mo blong lukim save bigfala rol we oli mekem long komuniti.





Follow our activities on
Facebook and Twitter



www.gggi.org